

CONVENIO DE COLABORACIÓN ENTRE O EXCMO. CONCELLO DE LUGO E O CLUB JUDO LUGO CO OBXECTO DE COLABORAR NOS GASTOS DERIVADOS DO EVENTO "XIX TROFEO CIDADE DE LUGO" ANO 2024.

En Lugo, data e sinatura electrónica.

REUNIDOS

Dunha banda **D. Jorge Bustos Atanasio**, actuando en nome e representación do Concello de Lugo, con enderezo en Lugo, Praza Maior, nº 1 e CIF P2702800J, en virtude da súa condición de Concelleiro Delegado de Xuventude e Deportes (Área de Cohesión e Dinamización Social).

E doutra banda **Iván Carballeira Fraga**, con DNI 33325037S, actuando en nome e representación do Club Judo Lugo, con CIF G27149888, na súa calidade de Tesorero, con enderezo a efectos deste Convenio en Rúa Mondoñedo 40 baixo 27004, Lugo.

Ambas as dúas partes interveñen en función dos seus respectivos cargos e no exercicio das súas facultades que teñen conferidas para convenir en nome e representación das institucións que representan.

EXPOÑEN

PRIMEIRO.-

Que o Concello de Lugo ten entre as súas competencias impulsar o deporte e os valores que este transmite, así como a promoción do municipio de Lugo e a súa dinamización na cidade.

Conforme ao artigo 50.1 da Lei 40/2015, do réxime xurídico do sector público (LRXSP), as Administracións Públicas, os seus organismos autónomos e entidades de dereito público vinculados ou dependentes e as universidades públicas, no ámbito das súas competencias, poderán subscribir convenios con suxeitos de dereito público e privado.

Conforme ao Artigo 1º dos Estatutos do **Club Judo Lugo**, é unha Asociación privada con personalidade xurídica e capacidade de obrar, integrada por persoas físicas ou xurídicas, con personalidade xurídica propia e capacidade de obrar, con enderezo na comunidade Autónoma de Galicia, que ten como obxecto primordial o fomento e o impulso da práctica continuada dunha ou varias modalidades deportivas, así como a participación en actividades e competicións deportivas calquera que sexa o seu nivel e destinatario.

Conforme ao Artigo 2º o **Club Judo Lugo**, practicará como principal modalidade deportiva a de JUDO, e solicitará a ratificación dos Estatutos e a inscrición no Rexistro de Entidades Deportivas de Galicia de conformidade coa Lei do deporte de Galicia.

SECCIÓN DE DEPORTES

JBA/ftc

Refª: convenio

Asunto: Convenio de colaboración Federación Galega de Judo 19º Trofeo Cidade de Lugo" ano 2024

SEGUNDO.-

Que o Concello de Lugo, en exercicio das súas competencias ten vontade de promover este convenio en virtude do establecido na Lei 7/1985, de 2 de abril, de bases do réxime local, artigo 25.1: "O Municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal nos termos previstos neste artigo".

Así mesmo, o apartado 2 de este mesmo artigo establece que "O Municipio exercerá en todo caso como competencias propias, nos termos da lexislación do Estado e das Comunidades Autónomas, nas seguintes materias: (...) I) Promoción do deporte e instalacións deportivas e de ocupación do tempo libre (...)".

TERCEIRO.-

Que ambas as partes coinciden na necesidade de axuntar esforzos para a consecución dos seus respectivos obxectivos e intereses comúns e que, por conseguinte, cren conveniente, por medio deste documento, establecer a coordinación e colaboración respecto ao evento "**XIX JUDO TROFEO CIDADE DE LUGO**" ANO 2024.

Por todo o exposto ambas as dúas partes acordan asinar o presente convenio de colaboración en base as seguintes:

CLÁUSULAS

PRIMEIRA.- OBXECTO

O obxecto de este convenio é a colaboración entre o Excmo. Concello de Lugo e o Club Judo Lugo para a celebración do evento "**XIX TROFEO CIDADE DE LUGO**" ANO 2024.

A organización do devandito evento, de carácter internacional, corresponde en exclusividade a o Club Judo Lugo, sendo a única entidade deportiva autorizada pola Federación Galega de Judo e Deportes Asociado como titular dos dereitos para organizar o Campionato Xunta de Galicia - Fase final Escolar infantil e cadete - baixo o nome de "XIX Trofeo de Judo Cidade de Lugo".

O número aproximado de participantes sitúase en 400. É destacable, así mesmo, a participación de numerosos clubs e atletas de Galicia, España e Portugal que dan un maior realce o evento.

A data prevista para a súa realización é o 6 de abril de 2024. O horario do evento será dende as 12:00 horas no Pavillón Municipal de Deportes, na área de influencia do casco histórico da cidade de Lugo e do río Miño. A importancia da ubicación, fai que a promoción deportiva do mesmo garante unha ampla asistencia de público en xeral.

Todo o evento deportivo estará suxeito ao regulamento técnico do mesmo e supletoriamente polos regulamentos superiores.

O Concello de Lugo intégrase como colaborador do devandito evento para unha mellora na eficiencia da xestión pública e a oferta deportiva municipal, polo impulso do deporte e os valores que este transmite, perseguindo un fin común de interese xeral e baixo o interese público que ostenta unha actividade de estas características, así como a promoción do municipio de Lugo.

SEGUNDA.- ACTUACIÓNS A REALIZAR POR CADA UNHA DAS PARTES ASINANTES DO CONVENIO.

2.1.- O Club Judo Lugo comprométese, como organizador do "XIX JUDO XVIII TROFEO CIDADE DE LUGO" ANO 2024 a atender, en xeral, todas as necesidades para o desenvolvemento do evento nos días anteriores, durante o mesmo e relacionadas coa finalización do mesmo.

En concreto, farase cargo dos seguintes servizos e/ou suministros:

- 1.- Publicidade e Difusión.
- 2.- Servizo Médicos.
- 3.- Trofeos e medallas.
- 4.- Bolsas picnics para participantes.

O Club Judo Lugo comprométese así mesmo en que a colaboración do Concello de Lugo constará de forma expresa, pública e permanente na organización do evento, e co logotipo do Concello de Lugo na publicidade do evento, estática, dixital e calquera outra.

2.2.- O Concello de Lugo, como colaborador do "XIX JUDO TROFEO CIDADE DE LUGO" ANO 2024, comprométese a:

O Concello de Lugo farase cargo do canon da Federación Galega de Judo e Deportes Asociados por importe de 6.000,00 €, que inclúe:

1ª) CANÓN FEDERACIÓN GALEGA DE JUDO:

- ARBITROS E TÉCNICOS

24 Árbitros tatami (Masc/Fem)

10 Oficiais organización

14 Técnicos (Masc/Fem)

Gastos desprazamento

- ALUGUER TRANSPORTE - MONTAXE E DESMONTAXE DE MATERIAL

Aluguer camión con plataforma e capacidade para o transporte do seguinte material:

TATAMIS HOMOLOGADOS IJF 4cm densidade 220/230

250 tatamis 2x1m azul / 150 tatamis 2x1m amarelo / tatamis 1x1m azul / tatamis 1x1m amarelo

15 ORDENADORES HOMOLOGADOS SISTEMA CARE IJF

SECCIÓN DE DEPORTES

JBA/ftc

Refª: convenio

Asunto: Convenio de colaboración Federación Galega de Judo 19º Trofeo Cidade de Lugo" ano 2024

6 CÁMARA VIDEO + CAPTURADORA A + 8 MONITORES LED 42
PULGADAS
10 MESAS (180 X 90CM) + MANTEIS +25 BOBINAS CABLES
CONEXIÓNS (25m)
4 BÁSCULAS ELECTRÓNICAS PARA A PESADA
ROLLERS E ARAÑAS PUBLICITARIAS + PODIO MÁ S 2 TRASEIRAS10
MESAS (180 X 90CM) E MANTEIS
2 IMPRESORAS + 15 INTERCOMUNICADORES ÁRBITROS

TERCEIRO.- OBRIGAS E COMPROMISOS ECONÓMICOS

Non existe contraprestación económica entre as partes asinantes do convenio.

As partes asinantes comprométense a financiar os gastos asumidos durante a vixencia do convenio.

CUARTA.- ORZAMENTO E FINANCIAMENTO

O orzamento estimativo do “XIX JUDO XVIII TROFEO CIDADE DE LUGO” ANO 2024 de **12.041,70 €**, desglosado nas seguintes partidas:

ORZAMENTO	
ACHEGAS DO CONCELLO DE LUGO	
1ª) CANÓN FEDERACIÓN GALEGA DE JUDO:	
ÁRBITROS E TÉCNICOS	
24 Árbitros tatami (Masc/Fem) x 65€	1.560,00€
10 Oficiais organización x 15,00€	150,00€
14 Técnicos (Masc/Fem) x 65,00€	1.040,00€
Gastos desprazamento	1.010,00€
ALUGUER TRANSPORTE - MONTAXE E DESMONTAXE DE MATERIAL	
Aluguer camión con plataforma e capacidade para o transporte do seguinte material:	2.240,00€
- Aluguer, montaxe e desmontaxe	
<u>TATAMIS HOMOLOGADOS IJF 4cm densidade 220/230</u>	
250 tatamis 2x1m azul / 150 tatamis 2x1m amarelo / tatamis 1x1m azul / tatamis 1x1m amarelo	
<u>15 ORDENADORES HOMOLOGADOS SISTEMA CARE IJF</u>	
<u>6 CÁMARA VIDEO + CAPTURADORA A + 8 MONITORES LED 42</u>	
<u>PULGADAS</u>	
<u>10 MESAS (180 X 90CM) + MANTEIS +25 BOBINAS CABLES</u>	
<u>CONEXIÓNS (25m)</u>	
<u>4 BÁSCULAS ELECTRÓNICAS PARA A PESADA</u>	
<u>ROLLERS E ARAÑAS PUBLICITARIAS + PODIO MÁ S 2</u>	
<u>TRASEIRAS10 MESAS (180 X 90CM) E MANTEIS</u>	
<u>2 IMPRESORAS + 15 INTERCOMUNICADORES ÁRBITROS</u>	

ACHEGAS DO CLUB JUDO LUGO	
2ª) PUBLICIDADE E DIFUSIÓN - 400 Credenciais personalizadas - 300 Diseño e impresión carteis - 400 Lanyard	931,70 €
3ª) SERVIZOS MÉDICOS - 1 Ambulancia medicalizada - 2 Servizo fisioterapia	1.230,00 €
4ª) TROFEOS 16 Trofeos 1º clasificado (Masc+Fem) 16 Trofeos 2º clasificado (Masc+Fem) 32 Trofeos 3º clasificado (Masc+Fem)	1.120,00 €
5ª) BOLSAS PICNICS PARTICIPANTES - 450 bolsas (2 bocadillos + agua+ 1 plátano)	2.760,00 €
TOTAL ORZAMENTO 12.041,70 € (IVE engadido)	

(*) Os servizos incluídos no canon (6.000,00 €) da Federación Galega de Judo e Deportes Asociados comprende a inclusión da proba no correspondente calendario oficial, arbitros e xuíces necesarios para a proba e medios técnicos específicos de competición necesarios para a celebración da competición.

QUINTA.- XUSTIFICACIÓN E PAGAMENTO

Non hai contraprestación económica entre as partes asinantes do convenio.

SEXTA.- DURACIÓN

Dado que o alcance do presente convenio é en exclusiva a realización do **"XIX JUDO TROFEO CIDADE DE LUGO" ANO 2024**, o convenio extinguirase tras a clausura do evento acto, sen prexuízo dos prazos posteriores nos que se deba facer balance do evento, ou aquelas outras cuestións que pola súa natureza requiran un prazo superior.

SÉTIMA.- MODIFICACIÓN

SECCIÓN DE DEPORTES

JBA/ftc

Refª: convenio

Asunto: Convenio de colaboración Federación Galega de Judo 19º Trofeo Cidade de Lugo" ano 2024

A modificación deste convenio poderá realizarse por mutuo acordo das partes, acreditando a concorrencia de interese común, e co límite substantivo de non alterar as condicións esenciais do documento inicial, e sempre e cando dito convenio este vixente, ter en conta que o alcance do presente convenio é en exclusiva a realización do **“XIX JUDO TROFEO CIDADE DE LUGO” ANO 2024**.

A modificación do convenio levarase a cabo mediante adenda ao mesmo.

OITAVA.- EXTINCIÓN E EFECTOS

O convenio extinguirase polo cumprimento das actuacións que constitúen o obxecto ou por incorrer en causas de resolución.

Son causas de resolución as sinaladas expresamente no artigo 51.2 da LRXSP e pola entrada en vigor de disposicións legais ou regulamentarias que determinen a súa extinción.

O cumprimento e a resolución do convenio dará lugar á liquidación dos mesmos, co obxecto de determinar as obrigas e compromisos de cada unha das partes, tendo en conta o disposto no artigo 52.2 da LRXSP.

NOVENA.- COMISIÓN DE SEGUIMIENTO

Tendo en conta o establecido no artigo 49.f da LRXSP, para o bo desenvolvemento das actividades obxecto deste convenio, seguimento, vixilancia e control establecerase unha Comisión Mixta, de composición paritaria, integrada por dous representantes de cada unha das entidades que resolverá os problemas de interpretación e cumprimento que poidan xurdir respecto deste. Ostentará a Presidencia da comisión de seguimento o responsable/persoal adscrito á Área de Deportes.

Os membros da Comisión poderán delegar a súa representación e voto noutra persoa da súa mesma organización.

A Comisión de seguimento reunirase con unha periodicidade mínima que garanta o seguimento e a correcta execución deste convenio, poderá reunirse a proposta de calquera das partes, realizándose convocatoria da reunión con 24 horas de antelación.

O seu funcionamento acomodarse ao disposto na LRXSP. Serán funcións desta Comisión de Seguimento as seguintes:

- Velar polo cumprimento deste convenio.
- Planificar, fomentar, supervisar e avaliar as accións e programas que se vaian emprender ao abeiro do presente convenio, establecendo un programa de seguimento dos traballos e das actuacións.
- Adoptar ou propoñer as medidas necesarias para garantir o exercicio coordinado das competencias de cada unha das partes.
- Enviar copias das actas das reunións destas comisións, así como do resto dos documentos que se emitan no desenvolvemento e execución deste convenio e que poidan ser requiridos polos Servizos de Control Interno municipais.

- Presentar unha memoria final da actuación na que se recollan as actividades realizadas, os medios humanos e materiais empregados, o orzamento definitivo e o balance de ingresos e gastos, ademais daqueles outros aspectos que se consideren salientables en relación á execución do convenio. Os datos resultantes desta memoria poderían dar lugar a unha reformulación das obrigas económicas asumidas polas partes asinantes.

- Resolver os problemas de interpretación que poidan xurdir.

- En xeral, as que o artigo 49.f da LRXSP lle atribúe aos mecanismos de seguimento, vixilancia e control.

- O Concello de Lugo designará como responsable municipal da comisión de seguimento o funcionario Fernando Timiraos Carrasco.

As partes comprométense a resolver de xeito amigable calquera desacordo que poida xurdir no desenvolvemento do presente convenio a través da Comisión de Seguimento constituída.

DÉCIMA.- SISTEMAS DE COMUNICACIÓN, INFORMACIÓN E PUBLICIDADE

Nos soportes, calquera que sexa o formato empregado (tradicional ou dixital) que aludan ou informen do investimento, actividade ou actuación, incorporaranse os "logotipos" institucionais do Concello de Lugo.

As entidades autorízanse reciprocamente, coa sinatura do presente convenio, para o tratamento necesario dos datos relevantes da axuda concedida e a comunicar e difundir polos medios ou canles que consideren axeitados, a actividade que é obxecto de este convenio.

DÉCIMO PRIMEIRA.- CARÁCTER DO CONVENIO DE COLABORACIÓN

Este convenio ten natureza administrativa e rexerase pola Lei 7/85, de 2 de abril, reguladora das bases de réxime local, así como pola LRXSP e restantes disposicións de concordante e xeral aplicación, sendo competente para entender nos litixios que puidesen xurdir a xurisdicción contencioso-administrativa.

O presente convenio non lle é de aplicación a Lei de contratos do sector público á vista do disposto no artigo 6 da Lei 9/2017, de 8 de novembro, de contratos do sector público, pola que se traspón ao ordenamento xurídico español as directivas do Parlamento Europeo e do Consello 2014/23/UE e 2014/24/UE, de 26 de febreiro de 2014.

DÉCIMO SEGUNDA.- PUBLICIDADE

Realizar a oportuna publicación no rexistro de convenios, de conformidade co artigo 8.1.b) da Lei 19/2013, de 9 de decembro, de transparencia, acceso á información pública e bo goberno.

SECCIÓN DE DEPORTES

JBA/ftc

Refª: convenio

Asunto: Convenio de colaboración Federación Galega de Judo 19º Trofeo Cidade de Lugo" ano 2024

Lugo, maio de 2024

O Concelleiro de Xuventude e Deportes

O representante do Club Judo Lugo

Asdo: Don Jorge Bustos Atanasio

Asdo.: Don Iván Carballeira Fraga